

Dinks sprawozdůniý s arbajcynio Ferajny "Szkryfka" za 2016

A. Ô Szkryfce

Ferajna "Szkryfka" uostała sbajslowalno dziynka 16 Ferajniokům, kerzi przituplowali to we ukwole ze 1.04.2015 we Mikołowie.

Zakůny, cyle a dziołania Ferajny szkryfniynte sům we Sztatucie Ferajny "Szkryfka". Poradzi sie tam snojś nojważniysze cyle arbajcynio Ferajny:

- I. uwszelobecniyniý godki šlůnskij we szrajbůnku, interaktiw a mobilnych szkryftach a i we mediach;
- II. průmowaniý wiedzy ô Šlůnsku;
- III. průmowaniý godki šlůnskij a kultůry ai bajsłowanie šlůnskich dinksůw;
- IV. průmowaniý a formowaniý pozytywnego filowania na Šlůnsk a Šlůnzokůw;
- V. przichytać a istować regiůnal świadůmość Šlůnzokůw;
- VI. spůłarbajcyni ze lokalnymi a regiůnal regiyrami, instytucyjami społėcznymi a inkszymi ferajnami dlo rozwoju Šlůnska;
- VII. spůmogać kultůrowe inicjatywy swiůnzane ze Šlůnskym.

Pedzane je tyż ô arbajcyniu Ferajny:

- I. bajsłowaniý swoich projektůw a programůw;
- II. bajsłowaniý trefůw, prelekcyj, wystow, kursůw, kůncertůw, festůw a inkszych fajerůw;
- III. bajsłowaniý a spůmoganiý we ôrganizowaniu wymiany miyndzy kultůrowyj;
- IV. wystowianiý certyfikatůw a fundowaniý prajsůw swiůnzanych ze dziołaniým Ferajny;
- V. kludzyniý nec zajty;
- VI. spůłarbajcyniý ze inkszymi perzůnami a instytucyjami, kere majům podane na nosze cyle arbajcynio;
- VII. spůmogać dziołania, kere majům:
 - a. průmować wiedza ô Šlůnsku,
 - b. průmować godka šlůnsko a kultůra ai bajsłowaniý šlůnskich dinksůw,
 - c. průmować a formować pozytywne filowanie na Šlůnsk a Šlůnzokůw,
 - d. przichytać a istować nacjůnal a regiůnal świadůmość Šlůnzokůw,

e. utrzymywaniý kúntaktów miyndzy Šlúnzokami, bezmaš wszyndzi kaj sům a miynszkajům;

VIII. inksze arbjacyniý, kere mo ryalizować sztatut cyle.

B. Działania Ferajny "Szkryfka" we 2016

Rok 2016 to dlo Ferajny "Szkryfka" piyrszy fol rok po zaregistrovaniu we KRS. Dziynka tymu muglimy sie juże dować pozúr nojwiyncy na cyle noszego działanio. Trza przy tymu pedzić, iże dziolo sie niý mało.

Ôd samego napoczyńcio roka robilimy dali ze noszům nec zajtům, na keryj chcemy prezyntować noszo ôrganizacjo. Juże teroski, jak spůmnieć sie noszo downo nec zajta, můmy mało rewolucjo, a je łna dalij uaktualniano. Můmy sam tyż nodziyjo, co dziynka noszyj robocie (cołko zajta je zaprojektowano, przirychtowano a utrzymywano ýnoš bez noszych ferajniokůw) udało nům sie zwiynkszyć jejij atrakcyjnošć, dostympnošć, a przy tymu unowoczyśnić wyglúnd.

Kej zaš sům my juże przy informatyce, to mogymy sie tyż pochwolić, co jedyn ze noszych ferajniokůw przirychtował nostympno juże wersjo šlúnskiej klawiry. Teroski je to klawira na systymy Linux. Na systymy Windows nakładka udostympniůmy juże ôd downa na noszyj nec zajcie. Dziynka wiedzy noszych ferajniokůw udało sie przirychtować paczka insztalacyjno tak, coby nawet wtoš, wto blank niý zno sie na informatyce, poradziůł samymu zainsztalować tako klawira. Styknie iże pobiere tako paczka (na Windowsa abo Linuxa) a nostympnie bydzie robiůł krok za krokiym podle prostyj a krtůtkij instrukcje. Wyncy ô tym poradzi sie snojš na noszyj nec zajcie, na kero zocnie zaproszůmy.

Przy cołkij tyj robocie, dowalimy sie tyż prozúr na kúnkursy ai ôferty grantowe dlo ôrganizacyj. Wyszartowalimy we poru s nich i... szaflimy to. Ferajna "Szkryfka" dostała dofinansowaniý w ramach projektu "FIO - Šląskie Lokalnie 2016" na uozwijanie ferajny. Dziynka tymu udało nům sie sprowić nowy sprzynt, kery przido sie nům do roboty, jako robiymy juże ôd downa a tyj, kero dopiyro planirujymy. Ze dofinansowaniym kupilimy miyndzy inkszymi: szpecjalistkik mikrofũn ze kablami do nagrywanio wysokij jakošci materiałůw audio, kúmplyt mikrofũnůw bezkablowych ai biurowy wielofunkcyjny wichajster.

Nostympne dofinansowaniý dostalimy ze *šrodków Programu "Działaj Lokalnie IX" Polsko-Amerykańskiej Fundacji Wolnošci realizowanego przez Akademię Rozwoju Filantropii w Polsce oraz "Centrum Społecznego Rozwoju"*. Grant dostalimy na realizacjo projekta "Silesia Skills", kery skerowany bůł do mikołowskiej młodziyży. We tym projekcie przirychtowane uostały norychta

umijyjtności miynkich kludzũne bez profesjũnalnego trynera ai norychta ze kludzynio swojego projektu społycznego kludzũne bez došwiadczũnego a certyfikowanego Ferajnioka. Cwekym cołkigo projekta bũło uozwijaniy umijyjtności miynkich u młodziyzy m.in. takich jak: kũmunikacjo, asertiwność, umijyjtność roboty we manszafcie, nale tyz i przirytowaniy swojego piyrszego społycznego projekta. Dziynka tymu uczystniki projekta "Silesia Skills" sbajslowali we ILO we Mikołowie wystowka šlũnskich noblistũw. Co interesant, wystowka przijyna sie na tyła dobrze, iže tera je juz prezintowano we nostympnych placũwkach. A dalij mocka ludzi sie niũm interesanci. Po skũńczyniu projekta koždy uczystnik dostał materiały po šlũnsku ze nojwozniejszyũm wiedzũm ze norychtũw ("Vademecum") ai imiynny certyfikat ô skũńczyniu norychtũw podszrajbowany bez kludzũnego je trynera.

Jeszcze przy tymu dostalimy propozycjo ôd Mikołowskiego Centrum Wolontariatu, coby pokludzić Mikołowsko Gala Wolũntariatu, kero we 2016 miała mieć šlũnski charakter. Ze uradowaniym a drukiym do dziołanio pedzielimy "JA" na tako propozycjo. Bezto 5 grudnio we MDK we Mikołowie mielimy gala, na keryj prajsy podostowali mikołowske wolũntariusze, a kero cołko pokludzũno uostała bez noszych Ferajniokũw, podle przirychtowanego bez nos šlũnskigo scynariusza.

Trza sam jeszcze tyz spũmnieć ô naszym spũłarbajcyniu ze SferaTV ze Rudy Šlũnski. Ta lokalno telewizjo mo zasyng we poru miastach GOP a durš sie uozwijo. Nosze Ferajnioki przirychtowywujũm koždy miesiũnc wiadũmości po šlũnsku, we kerych podsumowujmy ôstatni miesiũnc newsami po šlũnsku. Po wiadũmościach zaš puszczany je program "Szolka tyju", we kerym nosz Ferajniok uosprowio ze zaproszũnymi ludziami ô wożnych tera ai we prziszłości rzeczach.

Wszystko, co sam je przedstowiũne, to blank niy ma wszystko co my robili we 2016. Dzioło sie ô co wiyncy, realizowalimy roztomajte inksze dziołania, nawet take niyôbyczne, choby serio "To bũł dziyń", we keryj przedstowiũmy po šlũnsku krũtko, nale interesantno informacjo ô kũnkretnym dniu.

Beztuž zocnie zaproszũmy do zagłũndanio na noszo nec zajta <http://szkryfka.eu/> ai facebook'a: <https://www.facebook.com/Szkryfka/>, kaj poradzi sie snojš artikle ô noszych dziołaniach a wydarzyniach we noszy Ferajnie ai na Šlũnsku, a przy tymu do uosprowiano a diskutirowanio na forum <http://forum.szkryfka.eu/>.

Podszrajbunek

18.02.2017

Mikołów